



**KEMENTERIAN PEMBANGUNAN
USAHAWAN DAN KOPERASI**
MINISTRY OF ENTREPRENEUR DEVELOPMENT AND COOPERATIVES

KENYATAAN MEDIA

MEDAC TAWAR MORATORIUM BANTU USAHAWAN MIKRO DAN INFORMAL YANG TERKESAN DENGAN BANJIR

Putrajaya, 29 Disember 2021 – Kerajaan telah bersetuju untuk memberikan moratorium kepada usahawan mikro dan informal yang mendapat pembiayaan daripada agensi-agensinya dibawah MEDAC. Ini berikutan bencana banjir yang melanda negara yang mengakibatkan banyak perniagaan usahawan terkesan. Untuk permulaan moratorium akan diberikan kepada golongan usahawan mikro dan informal yang melibatkan pembiayaan di bawah Tekun Nasional dan Amanah Ikhtiar Malaysia (AIM).

Tekun Nasional memberi moratorium kepada peminjam yang terkesan dengan banjir selama 6 bulan dan memperuntukkan sejumlah RM30 juta untuk pembiayaan usahawan mikro dan informal yang terkesan dengan banjir. Moratorium ini akan memberi manfaat kepada kira-kira 4000 usahawan Tekun dan bermula serta merta.

Manakala Amanah Ikhtiar Malaysia (AIM) memberi moratorium secara automatik kepada Sahabat AIM bermula 20 Disember 2021 sehingga 31 Januari 2022.

Moratorium Bersasar dengan penangguhan bayaran balik. Sahabat AIM yang terkesan boleh membuat permohonan untuk menangguh bayar balik pinjaman sebanyak 4 kali dengan maksimum tempoh penangguhan selama setahun dan membuat penjadualan balik pinjaman sehingga 3 tahun.

Bantuan Tabung Kebajikan dan Kesejahteraan Sahabat (TKKS). Sahabat AIM yang terlibat dengan banjir juga akan menerima bantuan TKKS. Bantuan diberikan kepada rumah yang terlibat banjir sebanyak RM300. Bantuan juga diberikan untuk projek yang terlibat banjir sebanyak RM300. Sekiranya terlibat dalam keduanya, mereka layak menerima bantuan sebanyak RM600. Bantuan daripada AIM ini akan memberi manfaat kepada 9200 orang Sahabat AIM. Ini adalah utk membantu kumpulan Keluarga Malaysia yg terjejas banjir. Semoga sedikit demi sedikit bantuan-bantuan ini dapat menjadi permulaan utk menstabilkan semula aturan perniagaan dan kehidupan.

Sekian, terima kasih.

TAN SRI NOH BIN HJ OMAR
MENTERI PEMBANGUNAN USAHAWAN DAN KOPERASI